



**X KARTEL LEHIAKETAREN OINARRIAK**  
**Martxoaren 8a - EMAKUMEEN NAZIOARTEKO EGUNA – 2018. urtea**

**Lehena.- Parte-hartzaileak**

Lehiaketa honetan parte hartu ahal izango du 16 urtetik gora duen edozein pertsonak, banaka edo taldean, epaimahaikoek eta Zarauzko Udaleko langileek izan ezik. Egile bakoitzak gehienez lan bat aurkeztu ahal izango du, eta originala eta argitaragabea izango da.

**Bigarrena.- Gaia eta ezaugarri teknikoak**

Kartelen gaiak zerikusia izango du martxoaren 8arekin, hau da, Emakumeen Nazioarteko Egunarekin, edozein ikuspuntutik, eta ondo ikusteko moduan ondoko testua sartuko da:

**2018ko martxoaren 8a – Emakumeen Nazioarteko Eguna**

Gainera, egileak hala nahi izanez gero, kartela egiteko aukeratutako gaiari buruzko leloren bat ere sartu ahal izango du.

Lanak egiteko garaian kontuan izango da lanaren erreprodukzioak zailtasunik ez ematea eta lau tinta baino gehiago (kuatrikomia) behar ez izatea. Baztertuta geratuko dira urre eta zilar koloreak, bai eta kolore fluoreszenteak ere.

(\***Kuatrikomia**: lau koloreren nahasketan -ziana, magenta, horia eta beltza- oinarritutako inprimatze-sistema bat da. Kolore horiek proportzio desberdinetan nahastuta lortzen dira gainerako koloreak).

**Lanak nahitaez ordenagailuz egingo dira eta e-mailez bidaliko dira helbide honetara:**  
[berdintasuna@zarautz.eus](mailto:berdintasuna@zarautz.eus)

Parte hartzeko bidalitako artxiboek ondoko ezaugarriak izango dituzte:

- formatua: TIFF, JPG edo PDF
- bereizmena: 300ppp
- neurriak: zabalera: 3508 pixel - altuera: 4961 pixel

Artxibo honi gezurrezko izen bat jarri behar zaio kartela identifikatzeko, baina egilea ezin identifikatzeko moduan.

Artxibo horrekin batera, kartelaren artxiboari emandako izen berbereko karpeta batean egilearen datuak bidali behar dira. Dokumentuan honako datuak jarriko dira nahitaez:



ZARAUZKO UDALA  
Parekidetasun Departamentua

- Izena eta bi abizenak
- Jaiotze-eguna
- Helbidea
- Telefonoa
- Posta elektronikoa

Datuen karpetan ere, NAN edo atzerritarren kasuan nortasun agiri ofiziala, bere bi aldeak eskaneatuta, bidali beharko dute.

Epaimahaiaren inpartzialtasuna bermatzeko, artxibo hori ez da irekiko harik era sariak esleitu arte.

\* Adibidez, "haizea" izena aukeratzen badugu:

Karpeta konprimitu batean honakoak bidaliko dira: batetik, kartela "haizea-kartela" izena jarrita eta, bestetik, "haizea-datuak" izeneko karpeta bat, barruan egilearen datuak adierazita dokumentu batean eta nortasun agiria eskaneatuta.

Egileen datuen karpetak ez dira irekiko, harik eta epaimahaiak kartel irabazleak aukeratu arte.

Egilearen ardua izango da lehiaketara aurkezten dituen informatika-artxiboak behar bezala eginda egotea.

Ez da inolaz ere onartuko beste egile eta erakunderen batek erabilitako irudi edo irudi-plagioekin egindako lanik; eta arrazoi horrengatik gerta litekeen edozein arazoren erantzule bakarra egilea bera izango da.

Martxoaren 8a sustatzeko eta bere publizitatea euskarri desberdinetan (kartelak, foiletoak, elastikoak, imanak, web orria, pankartak..) .egiteko erabili ahal izango dira saritutako kartelak.

Zarauzko Udalak ahalmena izango du karteletan Zarauzko armarria eta egoki iritzitako informazioa txertatzeko.

Kartel irabazlearen egileak kartelean txertatu beharko du Zarauzko Udaleko Parekidetasun Departamentuak martxoaren 8rako antolatutako ekitaldien egitaraua. Gainera, egitarauaren foiletoa ere diseinatu beharko du kartel irabazlearen diseinu berarekin, hala eskatzen bazaio.

### **Hirugarrena.- Aurkezpena**

Lanak aurkezteko epea hau izango da: 2018ko urtarrilaren 8ko 8:00etatik, 2017ko urtarrilaren 22ko 14:00etara.

Kartelean pertsonaren baten irudia agertuz gero, irudi hori kartelean azaltzeko eta kartelaren edizioa egin ahal izateko pertsona horrek emandako baimena, sinatuta, aurkeztu beharko da.



ZARAUZKO UDALA  
*Parekidetasun Departamentua*

**Laugarrena.- Saria**

Bi sari egongo dira:

- Epaimahaia emandako saria: 400 euro
- Jendeak gehien bozkatutako kartelaren saria: 200 euro

Sari horiek indarrean dagoen legerian ezarritako atxikipena izango dute.

Aurkeztutako lanak oso kalitate txikikoak badira, lehiaketako saria eman gabe uztea erabaki dezake epaimahaia.

Saria ordaindutakoan Zarauzko Udala lanen jabe legitimoa izango da, bai eta lanak ustiatzeko eskubideen jabea ere. Halaber, oraingo eta etorkizuneko euskarri eta plataforma guztietan saritutako lanaren erreproduzio, moldatze, banatze, komunikazio eta zabaltze eskubideen jabea izango da.

**Bostgarrena.- Balorazio irizpideak**

Kartelen balorazio eta aukeraketa prozesuan ondorengo irizpideak kontuan hartuko dira:

- Kalitatea eta originaltasuna
- Proposatutako gaiarekiko egokitzapena
- Sormena

**Seigarrena.- Epaimahaia**

Epaimahaia honela osatuko da:

Epaimahaiburua:

- Zarauzko Udaleko Parekidetasun Departamentuko zinegotzia edo honek izendatutako pertsona.

Epaimahaikideak:

- Diseinu, arte edo komunikazioan aditua den profesional bat.
- Zarauzko Udaleko erakusketen arduraduna
- Parekidetasun Kontseiluko ordezkariak

Idazkaria:

- Zarauzko Udaleko Parekidetasun Departamentuko arduraduna edo honek izendatutako pertsona.



ZARAUZKO UDALA  
Parekidetasun Departamentua

### **Zazpigarrena.- Lanen hautaketa eta bozketa**

Epaimahaiak, oinarri hauetan jasotako baldintza guztiak betetzen dituzten aurkeztutako kartelen artean, aukeratuko du kartel irabazlea.

Epaimahaiaren erabakia apelaezina izango da eta jakitera emango da, aurkeztutako lan guztiakin batera, Parekidetasun Departamentuaren blogean eta sare sozialetan.

Epaimahaiak, egokia ikusiko balu, lehiaketara aurkeztutako lan guztien artean 15 onenak aukeratuko ditu, eta hautatutako lan horien artean aukeratu ahal izango du jendeak kartel irabazlea.

Bozketa: jendeak Facebooken bozkatu ahal izango du, "martxoaren 8ko kartel-lehiaketa – epaimahaiak aukeratutako lanak jendeak bozkatzeko" izeneko albumeko kartelen artean, "me gusta" atalean klik eginez. Boto gehien lortzen duen kartelak herritarren saria lortuko du.

Otsailaren 5ean jarriko ditugu kartelak Facebooken eta ordutik otsailaren 15ko 9:00ak arte bozkatu ahalko da.

Ahal izanez gero, aurkeztutako lan guztiakin erakusketa bat antolatuko du Udalak; aurrez jakinaraziko du zein egun eta tokitan antolatuko duen.

### **Zortzigarrena.- Sarituak edo hautatuak izan ez diren lanak**

Erakusketa bukatzen denean, saririk jaso ez duten kartelen kasuan, jasotako artxiboak eta erakusketa horretan erabilitako kopiak suntsituko ditu udalak.

### **Bederatzigarrena.- Azken arauak**

Lehiaketa honetan parte hartzeak berekin dakar oinarri horiek guztiak onartzea.

Informazio gehiago:

Zarauzko Udala – Parekidetasun Departamentua  
Zigordia kalea, 33  
20800 ZARAUTZ (Gipuzkoa)  
Telefona: 943-005117  
Posta elektronikoa: [berdintasuna@zarautz.eus](mailto:berdintasuna@zarautz.eus)  
Bloga: [www.berdintasunazarautz.wordpress.com](http://www.berdintasunazarautz.wordpress.com)  
Facebook: Parekidetasun Saila Zarauzko Udala